

微格教學 PowerPoint 講稿一

周曉勤 飾：勤爺

蔡 璋 飾：小璋

甘志好 飾：旁白

郭宇泰 飾：郭伯伯

美術指導：張樂雯

武術指導：張樂雯

監 製：蔡 璋

出 版：陳艷雯

旁白：小璋係一個小六的學生，佢同爸爸、媽媽、爺爺(勤爺)、嬤嬤住係樂民新村裏面。有一日，爺爺為左籌備小璋既姑姐，即係爺爺個女啦，結婚既事，要去幫姑姐做件衫，就帶左定小明一齊探訪佢個裁縫既老朋友郭伯伯。佢地由樂民新村出發，座 101 號巴士去到灣仔，跟住再搭電車去到裁縫師傅既店舖度。

勤爺：小璋，叫郭伯伯啦！

小璋：郭伯伯！

郭伯：乖！阿勤，好耐都無見過你個孫女喇，佢高左好多喎！係呢，咁好突然間黎探我呀？

勤爺：泰仔，無事不登三寶殿，今次要你幫手喇。咁既，遲下我個細女呀艷雯結婚，想搵你幫手做件衫咁囉。原本想帶埋佢黎度身架，點知佢今朝突然間話要學校有急會要開，比低左個款同埋尺碼我就算，無法啦，趕住做。

郭伯：咦，恭喜晒你喎！依家做老師係辛苦 D 架啦，成日都要開會，不過呢行好呀！作育英材呀。佢揀左咩野款呀？拎黎睇睇。

郭伯：哈，咁 o 岩既，艷文都幾識揀喎，上個禮拜，有個豪客都係要呢個款。

勤爺：我原本叫佢正經經著件中式嫁衣，佢硬係要唔中唔西咁！

郭伯：係咁架啦，依家邊有人會鐘意著到咁傳統呀！

小璋：中式嫁衣？點既樣架？

郭伯：拿，呢依就係中式嫁衣喇！有唔少人結婚果時都會著黎影相架。

小璋：咦？唔係話要整結婚用整衫咩？做乜咁古古怪怪既，我見人地結婚，都係著住件白雪雪既婚紗架喎！

郭伯：哦，婚紗外國傳入既，以前婚紗未流入果時，D 人結婚都係咁著架。不過自從外國文化傳入左，D 人既衣著都越黎越西化囉。就以流行服飾為例，以前 D 人大多係著唐裝衫既，依家就 T-Shirt 牛仔褲。

小璋：哦~原來係咁...

勤爺：係呢？呢件野麻唔麻煩，大概要整幾耐？

郭伯：快有快整，耐有耐整，都係果句啦，慢工出細貨，你幾時要呀？

勤爺：呀艷文就諗住下個星期去影樓影相，唔知趕唔趕到呢？

郭伯：嘩，好趕喎，一係咁啦，我幫你繡左 D 花先，等佢影相果時有得用，珠鏈果 D 野，等佢影完相先後你拎比我鑲啦！

勤爺：好呀，唔該晒你！

旁白：做完衫之後，已經係食飯時間，於時勤爺就同小璋去食飯，而響食飯果陳.....

勤爺：小璋，果邊果間茶樓，阿爺由細飲到大架啦！D 野好抵食，又大件喎，介紹你食下！

小璋：下~飲茶呀？唔好啦，又嘈又晒時間，D 野又唔岩我食喎！咦~隔離有間麥當當喎，爺爺呀，我地去果度食啦！

勤爺：快餐店 D 野又無益又唔飽肚！特別係果 D 炸薯條呀，好熱氣架！食咁多無益架！都係去飲茶啦！

小璋：唔制！我要漢堡飽！

勤爺：(少少發怒)唔好扭計，去飲茶啦！

小璋：唔要呀！唔要去飲茶！我寧願唔食！番屋企喇！

勤爺：唉~咁啦，一人讓一步啦，對面有間茶餐廳，有你仲意既薯條架。不如去果度食啦！

小璋：(心有不甘)嗯....好啦好啦。

旁白：就係咁小璋同勤爺就解決左食飯既問題，小璋叫左三文治、薯條同汽水，而勤爺就叫左揚州炒飯。食完野之後，佢地就周圍行下，其間，小璋見到一幢好殘既樓，佢就話喇....

小璋：嘩~呢 D 樓又殘又矮既，邊住得人架，仲差過依家住緊既樂民新村，拆左佢起過 D 高樓大廈啦！

勤爺：哈~呢 D 樓都好耐歷史 lu，以前 D 樓邊似依家咁高呀！以前黎講，呢 D 樓都已經係好好架啦！

小璋：唔係呀嘛！呢 D 都算靚樓，果邊果幢就係好野喇！又高，又有私人會所，我第時大個左一定要住呢度！

勤爺：好呀！咁你比心機讀好 D 書，將來有實有得你住。